

Band X., Nr. 4780, Seite 433

*Anselm von Wildenstein und Anselm von Justingen eignen dem Kloster
Zwiefalten ein Gut zu Emeringen.*

Ohne Ortsangabe, 1296. Ohne Tagesangabe.

In gottes namen. Amen. Wan daz reht leret und diu beschædehait ratet, daz man brieven und gezügen enphelhen sol, swas man in ganzer gehügede behamen wil, so tûn wir herre Anshaln von Wildenstain und herre Anshaln von Justingen¹ kunt an disen brieven allen den, die si lesent oder hörent lesen, daz wir unser vries aigen, daz gelegen ist ze dem dorf ze Emeringen, daz gehaizen ist Philippen gût und daz uns die erbæren lûte herre Walther der ritter von Anemerchingen und Rûdolf sin brüder uf gaben, wan si es von uns ze manlehen haten gehamen, durch got und durh unserre selo willen gaben dem erbæren closter Zwiveltûn und dem . . abbet und der samenunge dez selben closters vrilich iemmer me ze hænde und ze besizzende an alle ansprache unserre erbo. Wir gaben och daz vor genante gût den vor genanten herron mit allem dem rehte und vrilich diu dar zû hörren solt und mohte, es wær so in holze so in velde, in wisen alde in æchern, in hofsteten alde in garton und swie es von alter dar waz komen. Und daz daz stæte belibe von uns und allen unseren nachkomenden, so geben wir den vor genanten herron ze ainer ganzer festenunge und getruwer dise brîve besigelt mit unseren insigeln.

 Diz beschach in dem jare, do von gottes gebürte waren tusent jare und zwai hundert niunzech und sehs jare.

—

Der Textabdruck folgt dem Original.

 Abhängende Siegel, 1) Anselms von Wildenstein s. WUB, Bd. IX, S. 6, Nr. 3414. 2) Anselms von Justingen s. WUB, Bd. VIII, S. 255, Nr. 3017.
 Unter dem Text ist leerer Raum für etwa fünf Zeilen.

¹Es ist bemerkenswert, dass in dieser Urkunde der Sohn dem Vater als Aussteller und Siegler vorangeht.

Überlieferung und Publikationen

Lagerort:

HStA Stuttgart

Signatur/Titel des Originals:

B 551 U 484

Überlieferung und Textkritik:

Original und Papierkopie. Abschrift im Kopialbuch HStA Stuttgart H 14 Nr. 367, S. 5b. War auch im 1944 durch Fliegerangriff verbrannten Diplomatar HStA Stuttgart H 14 Nr. 361, S. 116.

Weitere Angaben

Sprache:

Deutsch

Ausstellungsort:

Ohne Ortsangabe

Ortsindex:

Emeringen Wohnplatz (16804)
 Emeringen, UL
 Emerkingen Wohnplatz (16806)
 Emerkingen, UL
 Justingen Wohnplatz (16938)
 Justingen, Schelkingen, UL
 Wildenstein Wohnplatz (21146)
 Wildenstein, Leibertingen, SIG
 Zwiefalten Wohnplatz (16028)
 Zwiefalten, RT